

欽州志

第柒本

卷之十

紀事志

卷十一

古蹟志

欽州志卷之十

紀事志

秦

始皇三十三年發諸嘗逋亡人贅壻賈人畧取陸

梁地為桂林象郡南海以遣適戍司馬遷史記徐

廣曰五十萬人守五嶺正義遣任囂擊南越平之

置桂林象郡南海三郡欽州志南越王尉佗者

眞定人也姓趙氏秦時用為南海龍川令至二世

時南海尉任囂病且死即被佗書行南海尉事囂

死佗移檄告橫浦陽山湟谿關曰盜兵且至急絕

道聚自守因稍以法誅秦所置長吏以其黨為假

欽州志 卷十 紀事

守秦已破滅佗即擊併桂林象郡自立為南越武

王史記南越傳

漢

高祖五年詔以長沙豫章象郡桂林南海立番君

芮為長沙王漢書高祖紀

謹按顏師古註文穎曰時桂林象郡南海屬尉

他未降遙虛奪以封芮耳後他降立他為越王

自三郡芮惟得長沙豫章耳阮通志

武帝元鼎五年四月南越王相呂嘉反殺漢使者

及其王王太后武帝紀秋遣伏波將軍路博德出桂

陽下湟水樓船將軍楊僕出豫章下滇水同上

六年十月得呂嘉首遂定越地以爲南海蒼梧鬱
林合浦交阯九真日南珠厓儋耳郡同合浦郡地

冬遣伏波將軍路博德平南越置合浦及南海蒼

梧鬱林日南九真交阯爲七郡欽州即日南地

成帝綏和元年春三月設合浦郡都尉周府冬十

一月定陵侯淳于長大逆不道下獄死妻子徙合

浦張府志

哀帝元壽二年秋八月孔鄉侯傅晏南郡太守毋

將隆等免官徙合浦諸人皆直鯁時帝初崩王莽

秉政故被謫同上

平帝元始五年冬十二月玉莽廢中山王后衛氏

欽州志 卷十 紀事

徙合浦周府志

後漢

光武建武五年十二月交阯牧鄧讓率七郡太守

遣使奉貢後漢書光武本紀

謹按七郡李賢註謂南海蒼梧鬱林合浦交阯

九真日南並屬交州阮通志胡三省通鑑註同

十六年二月交阯女子徵側反畧有城邑光武紀

十八年四月遣伏波將軍馬援率樓船將軍段志

等擊徵側等同上交阯女子徵側及女弟徵貳反九

真日南合浦蠻皆應之畧嶺外六十餘董州志城

自立爲王於是璽書拜馬援伏波將軍以扶樂侯

劉隆爲副督樓船將軍段志等南擊交阯軍至合浦而志病卒詔援並將其兵遂緣海而進十八年春軍浪泊上與賊戰破之追徵側至禁谿數敗之賊散走明年正月斬徵側徵貳傳首洛陽馬援傳徵

側者口冷縣雒將之女也嫁爲朱鳶人詩索妻甚雄勇交阯太守蘇定以法繩之側怨怒故反馬援傳註

交阯既定海外慕義貢獻援始調立城郭置井邑

十九年復立珠崖縣以屬合浦建銅柱於林邑界

周府志 九月立銅柱於分茅嶺以表漢界董州志

安帝元初元年三月本月紀作己卯日南地坼長百

八十二里本紀注廣里其後三年蒼梧鬱林合浦盜

欽州志

卷十 紀事

賊羣起劫畧吏民後漢志五

三年正月蒼梧鬱林合浦蠻夷反二月遣侍御史

任遠督州郡兵討之三月赦蒼梧鬱林合浦南吏

人爲賊所迫者冬十一月蒼梧鬱林合浦蠻夷降

安帝紀

光和元年正月合浦交阯烏滸蠻反招引九真日

南民攻沒郡縣靈帝紀

四年夏交阯刺史朱儁討交阯合浦烏滸蠻破之

同上儁除蘭陵令交阯賊梁龍等與南海太守孔芝

反攻破郡縣拜儁刺史令過本郡簡募家兵及所

調合五千人與七郡兵俱進迫之遂斬梁龍董州志

中平元年六月交阯屯兵執刺史及合浦太守來達自稱柱天大將軍遣交阯刺史賈琮討平之靈帝

紀交阯多珍貨前後刺史悉無清行故吏民怨叛

執合浦太守來達琮到部訊反狀咸言賦歛過重

故聚為盜琮移檄使各安本業蠲復徭役誅巨帥

為大害者百姓以安為之歌曰賈父來晚使我先

反今見清平吏不敢飯任事三年為十三州最徵

拜議郎漢書周府志

蒼梧士燮為交阯太守交州刺史朱符為夷賊所

殺州郡擾亂燮表其弟壹領合浦太守十國春秋鮪春

領九真太守武領南海太守資治通鑑

欽州志

卷十紀事

朝廷賜燮璽書以燮為綏南中郎將董督七郡領

交阯太守如故同上

吳

黃武五年衛將軍龍編侯交阯太守士燮卒權以

交阯縣遠分合浦以北為廣州呂岱為刺史交阯

以南為交州戴良為刺史又遣陳時為交阯太守

燮子徽自署交阯太守發兵拒良呂岱被詔誅徽

士燮傳岱上疏請討徽將兵晝夜馳過合浦與良俱

先移書告諭禍福又遣合浦太守士壹子匡說徽

降岱繼匡進徽大震怖率兄弟六人肉袒迎岱岱

擁節讀詔書數徽罪斬之呂岱傳

七年改合浦爲珠官郡孫權分合浦立北部以都

尉領之晉書地理志

謹案此事府志董州志俱作永安六年春二月而阮通志引晉書系永安七年後未知孰是

吳交州刺史劉俊大都督修則將軍顧容前後三攻交阯交阯太守楊稷拒破之鬱林九真皆附於稷稷遣將軍毛炅董元攻合浦戰於古城蓋合浦郡古城

也大破吳兵殺劉俊修則餘兵散還合浦資治通鑑

建衡元年遣監軍虞汜威南將軍薛翊蒼梧太守陶璜由荊州監軍李勗督軍徐存從建安海道皆就合浦擊交阯孫皓傳

欽州志

卷十紀事

三年七月蒼梧太守陶璜收復交阯執魏守將毛炅殺之楊稷至合浦嘔血死以璜爲交阯牧修允爲合浦太守周府志

天紀三年夏郭馬反馬本合浦太守修允部曲督八月以騰張府志循爲司空未拜轉鎮南將軍假

節領廣州牧率萬人從東討馬又遣徐陵陶濬將七千人從西道命交州牧陶璜部伍所領及合浦鬱林諸部兵與東西共擊馬孫皓傳

晉

太康二年省珠崖入合浦周府志

義熙六年二月廣州刺史盧循反安帝紀盧循襲合

浦克之攻交州至龍編刺史杜慧度譎而敗之循知不免先鳩妻子自投於水慧度取其尸斬之及其父嘏傳首京師盧循傳

謹案府志州志稱海賊盧循襲合浦註孫恩赴海死衆推盧循爲主從海道寇廣州此中原海寇之始考通鑑循陷番禺自稱平南將軍攝廣州事義熙四年遣使貢獻時朝廷新定未暇征討以循爲廣州刺史又盧循傳朝廷新誅桓氏中外多虞乃權假循征虜將軍廣州刺史平越中郎將據此故不採州府志

宋

欽州志

卷十 紀事

六

廣州諸山俚獠種類繁熾前後屢爲侵暴世祖大明中合浦大帥陳檀歸順拜龍驤將軍南夷傳

泰始七年二月置百梁隴蘇永寧安昌富昌南流郡又分廣交州三郡合九郡立越州明帝紀析合浦

爲臨漳越州二郡周志府

元徽元年三月以越州刺史陳伯紹爲交州刺史

城越州張廢帝紀志無城阮通志引後

謹案南齊志泰始七年立越州元徽二年以伯紹爲刺史與宋書不同未知孰是阮通志

五年五月以屯騎校尉孫曇瓘爲越州刺史後廢帝紀昇明元年十一月員外散騎侍郎胡羨生行越州

刺史

順帝紀

分宋壽宋廣安京三郡

董年號志缺

謹案宋書元嘉九年於廣州立宋康郡大明元
年省湘州宋建郡並臨賀泰始六年以始興郡
為宋安郡分宋壽等三郡董志不著年代未知
所本

齊

建元四年六月以寧朔將軍臧靈智為越州刺史

武帝紀

越州南高涼俚人海中網魚獲銅獸一頭銘曰作

寶鼎齊臣萬年子孫承寶

祥瑞志

欽州志

卷十 紀事

七

永明六年十一月以羽林監費延宗為越州刺史

武帝紀

越州獻白珠自然作思惟佛像上起禪靈寺置刹

下

祥瑞志

八年十二月以震威將軍陳僧為越州刺史

武帝紀

阮通志職官志
震威作鎮威

永元元年六月以征虜將軍沈陵為越州刺史

周盤

龍傳

梁

天監二年樂藹為持節督廣交越三州諸軍事冠

軍將軍平越中郎將廣州刺史

姚思廉梁書樂藹傳

四年置安州董州志

六年蕭昌遷持節督廣交桂越四州諸軍事輔國將軍平越中郎將廣州刺史七年進號征遠將軍

蕭景傳

八年左民尚書柳惲除持節都督廣交桂越四州諸軍事仁武將軍平越中郎將廣州刺史柳惲傳

十三年衡王嗣王元簡以給事黃門侍郎出為持節督廣交越三州諸軍事平越中郎將廣州刺史

元簡傳

王貞秀以居喪無禮為有司奏徙越州王茂傳

普通四年析越州置合州張府志

欽州志 卷十 紀事

八

謹案梁書武帝紀普通三年六月分廣州置成州南定州合州建州張志云然無註引亦未知

何本

大同七年交州土民李賁攻刺史蕭諮諮輸賂得

還越州南史蕭勵傳

八年正月遣交州刺史孫炯新州刺史盧子雄討賁軍至合浦不進皆伏誅張府志三月遣越州刺史

陳侯羅州刺史甯巨安州刺史李智愛州刺史阮

漢同征李賁於交州南史蕭勵傳

太清元年武平太守陳霸先刺史楊暕討交州賊

李賁平之張府志高祖軍至交州李賁衆潰傳首京

師賁兄天德遁入九真討平之除鎮遠將軍西江督高要太守督七郡諸軍事陳書高祖紀七月詔改合

肥為合州合州為南合州武帝紀

謹案梁書普通三年分廣州置合建等州而張府志云析越州置合州故錄此以備考

陳

南康王子方泰天嘉元年為丹陽尹大建四年遷使持節都督廣衡交越成定明新合羅德宜黃利安建石崖九州諸軍事平越中郎將廣州刺史為政殘暴為有司所奏免官南康王曇朗傳

謹案方泰所督九州傳備列之祇十八州其

欽州志

卷十紀事

九

一不知為何州也阮通志

隋

開皇十年八月遣柱國襄陽郡公韋洸上開府東

萊郡公王景並持節巡嶺南百越皆服隋書高祖紀

上以嶺南數反詔令狐熙桂州總管十七州諸軍

事便宜從事熙至州大宏恩信安州刺史甯猛力

詣府請謁不敢為非奏改安州為欽州黃州為峯

州從之熙令狐傳

謹案此事通鑑系於開皇十七年阮通志

十七年冬欽州刺史甯長真入朝周府志開皇末桂

州俚為亂詔何稠討之欽州刺史甯猛力率眾迎

軍請身入朝稠以其疾篤遂放還州上意不懌猛力卒稠曰猛力共臣約假令身死當遣子入侍長眞入朝上大悅曰何稠信著蠻夷乃至於此何稠傳謹案此事通鑑在十七年九月胡三省註是年二月何稠討嶺南通鑑當據實錄周府志作冬未詳

煬帝大業元年夏四月驩州道行軍總管劉方及欽州刺史甯長眞伐林邑入其國而還府志通鑑劉方新平交州有言林邑多竒寶者帝乃授方驩州道行軍總管經畧林邑方遣長眞以步騎萬餘出越裳方帥大將軍張孫等以舟師出北景軍至海

欽州志

卷十紀事

口林邑王梵志遣兵□□擊走之師度闍黎江林邑兵乘巨象四面至方以强弩射之林邑大敗方引兵追之過馬援銅柱南八日至其國都梵志棄城走入海方入城獲其廟主十八皆鑄金爲之刻石紀功而還周府志

三年改欽州爲寧越郡董州志

十三年銑使魯新舊唐書王張繡徇嶺南欽州刺

史甯長眞附於銑通鑑蕭銑梁宣帝曾孫煬帝以外

戚擢爲羅州令大業十三年沔人張繡等謀反推

爲主僭稱帝隋將張鎮州王仁壽擊銑不能克及

隋亡與甯長眞等率嶺南州縣降於銑舊書蕭寧

越安撫大使甯長真合浦太守甯宣以地附蕭銑

張府志

唐

高祖武德元年甯長真帥師侵交阯與長史高士

廉戰敗績張府志

五年改寧越郡為欽州總管府董州志四月甯長真

降舊書高祖紀蕭銑據荊州李靖安輯之乃度嶺至桂

州遣人分道招撫其大首領馮盎李光度甯長真

等皆遣子弟來謁靖承制授其官爵李靖傳夏四月

隋鴻臚寺卿甯長真以地來降授欽州都督董州志

六年南州刺史龐孝恭反陷南越州高祖紀南州刺

欽州志

卷十 紀事

十一

史龐孝恭南越州民甯道明高州首領馮暄俱反

道明與馮暄談殿據南越州反攻姜州合州刺史

甯純援之新書南蠻傳

八年欽州都督甯長真反陷封山縣昌州刺史龐

孝恭擊走之董州志唐書長真獻大珠高祖以道遠

勞民不受故反未幾長真死子據襲刺史同上

地理志昌州屬劍南嶺南無昌州武德四年置

南州六年改名白州昌當作白孝恭當作孝泰

南蠻傳訛張府志

謹案新唐書高祖紀及南蠻傳武德六年龐孝

恭反董志八年甯長真反龐孝恭擊走之與唐

書迥異案李孝恭傳武德四年河間王孝恭分遣撫慰嶺南四十九州皆附款又林士宏傳張善安擊破豫章士宏尙有南昌虔循潮數州之地趙王孝恭招之是時趙王統水陸十二總管擊長真或卽其人名與龐同致誤爲龐耶第董志亦不知何據存以備考

太宗貞觀元年分置越州尋改廉州

張府志

十二年清平公李宏節遣欽州首領甯師宗尋劉方故道行達交阯開置灤州

太平寰宇記

十六年冬十一月廣州都督黨仁宏有罪徙欽州

董州志

通鑑高祖入關仁宏有功至是坐贓上欲宥

欽州志

卷十 紀事

十二

之召五品以上謂曰法者人君所受於天不可以私今朕私仁宏而欲赦之是自亂其法上負於天於是黜仁宏爲庶人徙欽州

同上

嗣聖元年

武后元年宅元年光

豫州刺史韋元貞流欽州

張府志

六年

天昌元年永昌

州人甯原悌對賢良策舉進士授校

書郎

董州志

二十年中書舍人張說流欽州

同上

初韋元貞流欽州卒蠻酋甯承基逼取其女元貞妻崔氏不與承基殺之及其四男洵浩泚二女逃還京師神龍二年上命廣州都督周仁軌斬之以其首祭崔氏墓殺掠其部眾殆盡

通鑑

開元二年殿中侍御史李邕貶欽州遵化尉董州志

十年秘書監姜皎流欽州謀廢王皇后皎泄其言

上怒故流之周府志

廣德四年遵化人姜公輔應制策科登進士授右

拾遺董州志

貞元十年七月欽州守鎮黃少卿叛攻邕管經畧

使孫公器八月陷欽橫等州德宗紀 秋八月黃洞蠻

黃少卿反陷欽州以唐州刺史楊旻為容管招討

經畧使擊敗之董州志

元和十一年黃少度黃昌瓘二部攻欽橫二州邕

管經畧使韋悅破走之西原蠻傳 黃少度黃昌瓘攻陷

欽州志 卷十 紀事 十三

賓容二州據之至是攻欽州悅破之復二州董州志

十二年容管經畧使楊旻克欽橫潯貴董州志 四

州新書憲宗紀

長慶三年七月邕州奏黃洞蠻破欽州千金鎮刺

史楊嶼奔石南砦通鑑

四年正月嶺南奏黃洞蠻寇欽州殺將吏同上 邕州

刺史崔浩擊破之西原蠻傳

十一月安南奏黃蠻與環王合兵攻陷陸州殺刺

史葛維通鑑

長慶末黃昌瓘遣其黨陳少竒二十人請降西原蠻傳

五代南漢

大有元年

羅浮山民獲古劍獻南漢主劉龔董州志

文獻

通考羅浮山民掘得古劍有篆文曰丁與水同宮王將口耳同尹來居口上山岫護重重以獻劉龔國人莫之辨及平廣南識者云宋太祖以丁亥年降誕是丁水同宮也於文口耳王為聖尹口為君重山為出蓋丁亥聖君出五字讖語也同上

宋

太祖開寶五年廢遵化欽江內亭三縣以其地入

靈山

董州志

欽州如洪咄步如昔三鎮皆瀕海交州潮陽民卜文勇等殺人並家亡命至如昔鎮鎮將黃令德匿

欽州志

卷十 紀事

十四

之黎桓

交趾節度使

令潮陽鎮將黃成雅移牒來捕令

德固不遣因茲海賊連年剽掠淳化二年以工部員外郎陳堯叟為轉運使因賜桓詔書堯叟至如昔詰得匿文勇之由盡擒其男女老少一百三十口召潮陽鎮吏付下桓遂上章感恩並捕海賊二十五人送於堯叟且言既約勒溪洞首領不得騷

動

交趾傳

至道元年欽州如洪鎮兵馬監押衛昭美上言有交州戰船百餘艘寇如洪鎮畧民劫廩實而去交趾傳

列傳

咸平二年廣南西路旱

五行志

是歲廣南旱發粟賑

之真宗紀

大中祥符二年廣南西路言蠻人劫海口蠻戶如洪砦主李文著以輕兵襲遂中流矢死詔督安南捕賊明年執狄獠十三人以獻交阯傳

三年交阯遣使來朝求互市於邕州上曰瀕海之民數患交州侵寇仍前止許廉州及如洪砦互市詔令本道以舊制諭之同上

九年交州狄獠張婆看避罪來奔知欽州穆重穎召之至中路復拒焉都巡檢臧嗣遂令如洪砦犒以年酒交州偵知其事因捕狄獠故抄如洪砦掠人畜甚衆詔轉運使督公蘊追索仍令疆吏自今

欽州志

卷十紀事

十五

不得誘召蠻獠致生事交阯傳

謹案交阯國王黎桓死子至忠立苛虐不法大校李公蘊逐之自稱畱後所謂公蘊者即李公

蘊也阮通志

天聖元年遷州城於近海白沙之東州治今以隋遷舊

卑濕遂遷於安遠縣地立州城董州志

皇祐四年四月廣源州蠻儂智高反陷邕州仁宗紀

乘勝畧九郡余靖傳樞密副使王堯臣請析廣西宜

容邕州為三路以融柳象隸宜州白高竇雷化鬱林義藤梧龔瓊隸容州欽賓廉橫潯貴隸邕州遇蠻入寇三路會支郡兵掩擊令經畧安撫使守貴

州以統制焉

王堯臣傳

嘉祐四年二月廣南言交阯寇欽州

仁宗紀

寇欽州

思稟營

交阯傳

交阯李日尊寇澌凜營初交阯大校

李公蘊逐其主黎龍廷詔封公蘊南平王其孫日

尊至是入寇余靖為廣西安撫使討之召詰其用

事臣費嘉祐嘉祐惶悚歸取首惡五人械遂欽州

斬之日尊上表待罪

董州志

五年七月交阯遣申紹

泰分寇欽州思凜營巡檢宋士堯拒戰死之

周府志

謹案周府志年月與宋書不合通鑑亦作四月

府志誤

熙寧八年冬十月彗星見軫

翼軫也

欽廉分野董州志

十一

欽州志

卷十 紀事

十六

月交阯陷欽州

神宗紀

交阯大舉入寇陷欽州知州

陳永齡推官李英死之

周府志

遣招討使郭逵討降

之

董州志

劉彝聽偏校言以為安南可取大治戈船

交人來互市悉遏絕日尊子乾德遂三道入寇陷

欽州廉州帝遣趙高副逵致討殺其王子洪真乾

德懼遣使奉表詣軍門納款交人自此不復猖獗

南陲安枕矣

同上

九年三月恤欽廉邕三州死事家瘞戰亡士賊所

蹂踐除其田征

神宗紀

元豐元年交阯李乾德遣陪臣赴欽州請入貢

周府志

郭逵討交阯至富良江得其廣源州門州思浪

州蘇茂州杞榔縣而還至是表求所失州縣詔不許同上

二年交阯歸所掠男婦詔以廣源州賜之其後定交阯界復還其六縣二崙同上

四年夏六月大雷震火焚城屋董州志

哲宗元祐七年前陷交阯將吏蘇佐等十七人投

欽州防城自拔來歸周府志

高宗建炎四年遣轉運副使尹東珣就欽州弔祭

交阯南平王李乾德董州志制贈侍中進封南越王

封其子交阯郡王同上

紹興七年夏欽廉邕州饑令常平使賑粟五行志建

欽州志

卷十 紀事

炎七年夏欽廉饑賑粟董州志

十三年八月蠲欽廉稅役錢同上欽廉周府志免行錢作

謹案高宗紀十三年二月蠲雷化等十州免行

錢與七年欽廉邕州饑俱紹興年號董志作建

炎誤高宗建炎四年後改元紹興

孝宗淳熙元年交阯貢自欽州入詔賜國名安南

封李天祚為安南國王周府志

寧宗慶元六年八月婺州處士呂祖泰流欽州董州志

九月配處士呂祖泰於欽州平城詳本府志

理宗端平二年十一月安南貢方物由欽州歸國

同上

度宗咸淳六年選欽州知州馬成旺偕其子撫機

征瓊州黎張府志

端宗景炎三年春三月欽廉降於元董州志帝昺祥

興二年元大將阿里海牙分遣萬戶脫溫不花徇

欽州齊榮祖徇廉州皆下周府志

謹案景炎三年四月端宗殂帝昺立五月即祥

興元年是月張世傑圍雷州城中乏食史格漕

欽廉諸州糧以給之據此則欽廉降元當在景

炎周志誤

元

世祖至元十五年張世傑欲復取雷州戍將劉仲

欽州志 卷十紀事 十八

海擊走之後率衆來圍城中絕糧以草爲食史格

漕欽廉化高諸州糧以給之元史史格傳

謹案此事張府志作十四年誤

哈刺哈孫不妄言笑善騎射工國書重儒術至元

九年世祖錄舊勲命掌宿衛襲答刺罕答刺罕是

曾祖啓號昔禮號 十八年割欽廉二州益其食邑哈刺哈孫傳

二十三年二月命湖廣行省詔征交趾海船期以

八月會欽廉州世祖紀

三十一年欽州峒主黃世華殺賊有功授以金牌

印信充七崙長官職事子孫承襲顧絳天下郡國利病書

致和元年四月欽州猺黃焱等爲寇命湖廣行省

備之

帝泰定紀

順帝至正十二年兩江峒賊黃聖許反攻掠州城

及時羅貼浪七峒人民亡散殆盡大兵征討賊竄

入深峒僅獲其妻

董州志

二十二年八月長星竟天上

同上

二十八年七月海南海北諸郡皆降於明

順帝紀

明

太祖洪武元年夏四月征南將軍廖永忠入廣州

移檄往諭海北諸郡縣皆降改欽州路為府

董州志

六年冬十二月廣州衛指揮僉事楊景追海寇羅

已終於欽州得安南報已終被殺乃還

同上

欽州志

卷十 紀事

十九

黎季犛篡逆永樂四年七月命朱能為征南將軍

沐晟張輔副之帥師分道討安南

阮通志

九月廣東

都司送至欽州所獲黎賊覘伺之人遂敕朱能等

曰賊已遣人於廣東緣海偵伺宜加意慎防不可

忽畧

黃通志

安南既平郡縣其地命黃福以尙書掌布政按察

二司事福止䟽請循瀘江北岸至欽州設衛所置

驛站以便往來報可

黃傳

福

七年四月海寇犯欽州副總兵李珪遣將擊敗之

成祖紀

交趾萬寧州賊阮瑤船至欽州如洪村焚劫

居民及長墩林墟二巡司廨舍寨柵殆盡都指揮

李珪奉命以樓船百艘提兵萬人追至萬寧縣海上破之俘賊首范牙阮邊及男女一百六十人送

京師誅之

董州志

十四年五月交趾總兵官英國公張輔言自廣東欽州天涯驛經貓尾港至涌淪佛淘從萬寧縣抵交趾多由水路陸行止二百九十一里比邱溫故路近七驛宜設水馬驛傳以便往來從之設欽州防城佛淘二水驛寧越涌淪二遞運所佛淘巡檢司靈山縣龍門安遠二馬驛安河格木二遞運所改天涯水驛爲水馬驛黃通志

宣宗宣德二年欽州漸凜崗長黃金廣以漸凜羅

欽州志

卷十 紀事

二十

浮古森葛源

董州志作葛源

四崗叛附安南同金

廣等以漸凜等四崗一十九村二百七十二戶叛附安南黎氏封經畧使經畧同知僉事等官仍世守其土以屬萬寧州董州志

陳汀古雷縣千夫長王通棄地汀北行爲賊所得授以官令守交州東關汀挈其家九十餘人從間道走賊追之家屬盡陷汀獨身入欽州帝嘉其義以爲指揮厚賚之王通傳

英宗正統五年九月命招欽州叛民黃金廣黃子矯黃建等久叛巡按御史何善歐陽洙屢招之不至黃通志巡按御史朱鑑奉璽書率都布按三司官

至欽招遠山揭榜招四峯叛民不至乃還董州志

謹案董志四峯叛民多黃寬一人餘與黃志同

景帝景泰二年四月山獠寇廉雷二府六月賊陷

欽州黃通志夏六月十三日夜黃屋山賊黃公龐陷

欽州公龐董州志

謹案董志作代宗景泰二年考明史景帝不稱

代宗

英宗天順元年謫岳正為欽州同知周府志

二年七月詔禁欽州商人毋得與安南交通董州志

因獲安南盜珠賊范員等敕出榜禁約欽廉瀕海

商販之人不許潛與安南交通仍令廉州府衛巡

欽州志 卷十 紀事 二十一

視遇賊盜珠務捕獲究問奏請發落同上

武宗正德八年八月交阯寇欽州百戶謝惠拒戰

郭通志於淡水灣死之董州志時官軍僅百人賊兵數

倍惠戰沒免者纔四五人撫按不以聞周府志是歲

大饑董州志

十四年八月交阯入寇舟至方家港千戶趙瑾擊

敗之時知州李純入闈瑾率宮民兵擊之乃遁同上

世宗嘉靖五年三月欽州判官唐清有罪死於獄

周府志明史清受安南莫登庸賂為其弟慮求封總

督張嶺逮清同上八月賊劫州庫董州志十二月大雨

雪池水冰草木皆枯民多凍死同上

十三年八月彗星見上同

十六年六月大雨雹上同

十八年大疫上同

十九年春命大司馬毛伯温咸寧侯仇鸞駐師南

寧議討安南以莫登庸篡黎氏立其子方瀛自稱

太上皇故嗣聞大師聲罪致討登庸大懼請歸欽

州思勒河洲漸凜古森四崗侵地周府志上以安南

久缺朝貢決意南征以毛伯温叅贊軍務庚子九十

年夏至廣下令籍諸省土漢狼達水兵二十餘萬

九月至南寧登庸懼請罪伯獻徵錄毛伯温宣天子

恩威納其圖籍並所還欽州四崗地權令歸國聽

欽州志

卷十 紀事

二十二

命毛伯温傳

二十一年六月收復四崗民歸籍董州志

二十五年莫宏灑立阮敬專恣用事莫登庸次子

正中及文明率家屬奔欽州敬詭稱宏灑歿以迎

立正中為詞犯欽州為叅將俞大猷所敗誅死南安

傳

二十六年莫正中莫福山等奔欽州提督侍郎張

岳奏發肇慶清遠安插給米有差周府志

安南范子儀等寇欽廉黎岐賊寇瓊崖相犄角總

兵陳圭移文安南曉以利害使縛子儀而急出兵

攻黎岐敗之陳瑄傳

二十七年安南范子儀同弟子流俱阮剽掠欽廉

欽州百戶許鎮戰於龍門港死之總督歐陽必進

調福建都指揮俞大猷討之舟師追擊生擒子流

斬首千餘級子儀乘風遁去檄宏瀼殺之函首軍

門周府志宏瀼莫登庸曾孫也張府志

三十九年秋賊劫州庫焚州後衙以知州宋可久

採珠公出也董州志

四十年海寇至朱家港大霧狼目韋綿破之同上

四十一年春竹有華實同上竹惟刺竹有華實如麥

可食蒜同食殺人約五十年一實周府志

四十四年冬海寇吳平劫入欽廉界叅將湯克寬

欽州志 卷十 紀事 二十三

都指揮傅應嘉率舟師追之次於龍門明年二月

追至交阯破之同上

穆宗隆慶二年大有年同上

神宗萬曆九年大有年同上

二十年冬十月安南莫敦讓來奔防城時莫氏漸

衰黎氏復興十九年黎惟譚襲殺莫茂洽故來告

難洽宏瀼子周府志

謹案董州志二十三年夷人莫登庸爲黎氏所

逐攜其妻僕來奔考嘉靖十九年毛伯温南征

登庸懼請罪田汝成征南碑載登庸奉表自稱

護命五年而犬馬之齒耄矣又南交志嘉靖二

十五年登庸卒孫福海襲據此則登庸沒將六十年矣董志不載敦讓事殆誤以敦讓爲登庸也故不錄

二十二年象由靈山辛立鄉蹂躪禾稼觸傷百姓知州董廷欽遣哨官張竒設策盡擒之民始安耕

董州志

二十四年大饑知府林民悅發倉賑之上同

二十五年四崙土賊黃錫通交阯作亂知州王世

守同副總兵副府志將作黎國耀襲擒之上同

二十六年莫登庸遺臣都勇聚衆數千結營海中玳瑁島誘近邊啼雞松徑雲插木魚四村黠者爲

欽州志

卷十紀事

二十四

嚮導剽劫防城涌淪等處至內地刀鞘嶺知州王性單舸入四村諭以利害咸感服願爲前鋒遂提兵百餘人襲破玳瑁島俘斬甚衆都勇乞降餘孽

潰走上同

二十七年大有年上同

二十八年倭賊寇防城營哨官李能率啼雞屬夷戰於白麟尾敗之生擒倭首沙哥頭等十二人上同

三十三年五月辛丑夜地大震自後日震二三次或數日一震夜亦如之上同冬十月連日地震自五

月二十八日始至十月二十日止周府志

三十五年夏六月乙巳颶風大作丙辰颶風復作

秋九月彗星見軫

董州志

十二月安南賊犯欽州

神宗

紀

交趾賊翁富乘小船百餘賊衆數千由龍門入

欽州城陷百戶呂朝炯越城走吏目裘挺然被獲

學正李嘉諭罵賊死

阮通志

廉州府指揮黨宏謨將

兵禦之雷廉副府楊應春領兵至望州嶺而還瀾

洲遊擊張繼科自永安發兵次蔴葛山不進

張府志

賊肆劫二日殺百姓二百餘人焚城外房屋而去

董州志

三十六年交賊復寇欽州守備祝國泰百戶孔榕

禦於龍門港大戰死之哨官朱子連戰於南屯之

朱家港亦死之賊圍州城同知曾遇指揮黨宏謨

欽州志

卷十 紀事

二十五

射退之

周府志

命總督兩廣御史戴耀督安南都統

使黎維新討翁富

郝通志

九月總督戴耀遣總兵孔

憲鄉駐欽州副將楊應春率雷廉兵由河洲進遊

擊田豐率廣肇兵由海道進叅將張國威遊擊張

繼科率東西二山兵水陸並進海南道蔡夢說監

軍推官李懋功隨軍紀功海北道林梓守欽州總

理軍需十月進花封直搗賊巢俘斬甚衆生擒賊

酋斐文用賊首翁富逃匿獲其妾斬之乃班師

阮通志

志

三十八年命設守備

周府志 命復備

增兵防守大營

龍門牙山防城各營增兵五百名

董州志

四十年六月禾大熟斗米銀四分冬十月大稔上同

四十一年交阯入貢道經欽州上同六月交夷張克

敬舟泊外洋自稱安南貢使假道於欽州副將楊

應春詰之乃遁去周府志

四十六年八月白氣竟天長數十丈形如大刀自

東竟西經月始散董州志

四十七年饑天行疫上同

熹宗天啟元年大水是歲饑永淳饑民流欽上同死

者日數百計周府志

二年十一月有大星如斗尾帶數十星狀如連珠

從東北流至西南而沒時已昏夜其光照耀如晝

欽州志 卷十 紀事 二十六

房屋窗櫺可辨上同

三年永樂各處賊首有黃月明黃廣鑑蒙紹唐陸

世盃周府志甯一龍大毛嘴小毛嘴大長脚小

長脚等各結巢穴大肆劫掠董州志

五年把總劉襄捕獲陸世盃石念華甯一龍黃月

明等上同

七年二月西狼賊趙永烈擁衆入河洲作亂雷廉

叅將陸升督師破之周府志

莊烈帝崇禎元年知州楊爲禎詳分土附董州志欽

庠爲冒籍佔踞之藪州牧楊爲禎申詳提學曾化

龍請照東安西寧事例嗣後取進文武童生土著

七分寄籍三分行之周府志

十五年秋山寇叛肆董州志

十六年虎入城廣西賊李文龍永樂那茅賊陳秀

廷肆劫鄉村知州許啟洪擒獲文龍秀廷解斃餘

黨悉平同上

十七年冬十一月十二日大雷雨水驟發同上

國朝

順治四年二月州判陳理言學正王廷前入欽董州志

志

七年正月海賊鄧耀據龍門同上

九年二月副總兵冼啟玉取欽州同上

欽州志 卷十 紀事 二十七

十年夏五月海水溢同上

十一年二月海賊鄧耀作亂收百姓丁口牛口船

頭鹽竈魚課山場田穀等稅殺人如麻設快馬船

於州江之石灘東西二江之長墩截斷行人山海

之利盡入賊巢同上

十二年盜遷文廟重器銅香鑪重百三銅淨瓶重一對

百銅鐘重千以鑄銃同上

十三年五月高雷廉總兵栗養志督師追漳平伯

周金湯及貼浪而還養志三至州境縱兵肆掠沿

村慘戮積屍如山擄繫婦女田地俱成荒坵同上

十五年正月鄧耀以衆攻城知州俞都遊擊韓成

功敗之於江滸

同上

總兵張偉副將周勇選舟師征

海寇

周府志

十六年五月十六日彗殞龍門人謂海賊將亡之

兆

同上

十七年六月山寇陸國相梁信陸見魁等赴州乞

降

董州志

八月二十七日午時龍見

同上

九月海北道

方國棟總兵張偉督兵平龍門追擒鄧耀於廣西

千隆山寺械送誅之

同上

欽州大旱自十六年七月

至十七年四月不雨斗米銀三錢知州喻三畏以

旱告發廉府倉穀由海運赴州賑濟

府志

連年大旱

民饑米三升銀一錢知州喻三畏以報三院行文

欽州志

卷十 紀事

二十八

恤災三畏招撫開墾寬徵輸里甲一切陋規夫役

柴炭盡行蠲免民皆復業

董州志

十八年正月寇黨楊彥迪楊三復據龍門

同上

康熙元年差內大臣科爾地介山親行邊海東起

大虎門西迄欽州防城令民□內地五十里設排

柵以杜接濟臺灣之患時閩中鄭芝龍猖獗故也

周府志

詔遷海界置沿海墩臺

董州志

二年二月平藩尙可喜督師勦海寇楊彥迪楊三

宵遁時師屯五里橋之岡廣西賊黃國琳等千餘

流劫新立永樂四崗一帶村鄉聞報發兵追勦斬

俘一百五十四級擒禡有通等二十人國琳等逃

入王光十萬大山出沒靡常上同 夏五月疫六月丁酉朔雨至七月知州喻三畏詳請恤災上同

三年冬十月彗星見東南上同

四年會廣西兵勦寇廉鎮總兵張偉駐防城擒賊首黃國琳黃文起等山寇平上同

六年春二月十七日彗星見角亢間上同 三月十七

日巡邊使穆成格臨州設立排柵上同 沿海勘邊界

周府志 九月裁海北道通判推官訓導長墩 巡檢司

董州志 府州裁訓導縣裁教諭周府志

七年春正月二十五口酉時西方白氣如鎗二十

七夜黑氣三條如刀經句始滅董州志 二月十四夜

欽州志

卷十 紀事

二十九

月色光芒如日上同 六月弛遷海之禁盡撤排柵周府志

志

八年二月戶部雷侍郎臨欽展界改設各汛沿海

墩臺臺臣楊雍建條奏允行也張府志 復欽州長墩

巡檢司上同 夏四月朔未時日蝕董州志 是歲春夏虎

暴上同

十年冬界外難民歐昌盛等二百九十七戶來歸

知府徐化民欽州知州董爾性撫恤之令各歸故

業周府志 欽州虎蹂近郊白晝噬人上同

十三年春安南國王黎維錠遣陪臣入貢由欽州

歸國上同 九月土賊周肇良黃四雷頭目寇欽州遊

擊王嘉賢斬雷頭目於石窟村上同賊衆潰散擒十

餘人斬之董州志

十五年正月土賊施學盈煽亂知州董爾性遊擊

王嘉賢率兵勦獲之上同

十六年海賊楊彥迪洗彪復據龍門上同楊彥迪自

康熙二年平藩擊敗後逃入閩中至是自臺灣駕

船八十餘艘率衆千餘人復踞龍門島作亂周府志

秋大水自六月二十四日雨至七月初十日水至

東門城董州志

十七年欽營兵變縛知州董爾性學正黎方潞於

城隍廟以索餉董州志守備張鳳暎之也遊擊劉世

欽州志 卷十 紀事 三十

貴坐視不言周志府八月海賊楊彥迪率衆攻城遊

擊劉世貴朱梁擊口之時梁來欽協守董州志

十八年復儒學訓導上同

二十年三月虎門協張副總會勦龍門賊楊彥迪

敗走海島後爲其黨王進所殺上同九月大雨雪上同

謹案廉府志虎門協會勦龍門賊無張副總三

字此三字當衍

二十三年工部尙書董州志侍郎作杜臻總督吳興祚

巡撫李士禎提督許禎至欽州會勘龍門設副將

都守官兵控制邊海周府志知州馬世祿條議奏請

設營嗣是龍門牙山烏雷三口浪皆宿兵扼守董州

二十四年虎暴冬十月地震上同

二十八年冬白氣亘天上同

二十九年夏龍門協副總兵葉勝大勦海寇獲方

雲龍朱權送京誅之上同冬建常平倉為開捐建以

貯穀也上同

三十五年夏總督石琳至欽查邊冬提督李鎮鼎

至欽勘水陸營汛上同

四十年九月朔颶風大水上同

四十三年夏麋至州西門嶺冬十一月朔日食上同

四十四年冬虎入城上同

欽州志

卷十 紀事

四十五年春二月初十日雷震州治西旗杆三月

獬羊至州水東四月朔日食五月熊至城南鰲魚

洲是歲竹有華實上同

四十六年冬十一月遊擊陳誥入祀名宦祠上同

五十一年秋八月大風傷禾上同

五十二年大饑合浦就食於欽停徵錢糧俟五十

三年帶徵上同八月都察院左都御史趙申橋禮部

員外郎楊存理行欽賞欽龍二營兵上同

五十三年

詔繪粵東輿圖周府志理藩院郎中胡爾代至欽丈量輿

地董州志

五十六年總督楊琳奏建沿海礮臺周府提督王

文雄至欽勘設大觀港香爐墩牙山石龜頭各礮

臺董州志

五十九年秋大水地震冬十一月二十八日大雨

雷鳴同上

六十年秋旱冬十一月二十八日雨雷鳴同上

六十一年夏六月饑知州董紹美開倉賑濟冬十

二月十一夜雷電大作風雨暴至塌西北城墻二

十二丈知州董紹美修復之同上

雍正五年十月欽州龍門副將景慧把總謝廷彥

巡海漂沒舟人見神遊海上每風雨聞金鼓聲設

欽州志

卷十 紀事

三十二

位祀之周府志

六年二月以三不要地歸欽州設汛防通志欽州

西南極界與廣西上思州安南古森河口接壤各

不相屬俗稱廣東不要廣西不要安南不要以荒

僻險阻難以統轄督撫會疏請歸欽州又北有北

崙汛設兵戍守東有白雞村設兵遊巡同上

七年增設龍門協營外委千總把總十四員欽州

營外委千總把總四員張府志

八年改龍門協營屬高州鎮總兵管轄定洋巡章

程張府志

十三年欽州管界司巡檢改爲龍門司巡檢周府志

乾隆元年添設龍門協右營都司中軍都司兼管左營以總督鄂彌達奏請故上同

高州芷寮舊設船廠以徐聞信宜山場日採日遠艱於挽運二年春改設龍門船廠亦鄂彌達之請也上同添設欽州那陳司巡檢初少詹福十寶奉

命祭南海以欽州那陳墟插入廣西宣化界遂奏請添設巡檢部議從之上同

四年廉防同知由防城移駐龍門原龍門司移駐防城改爲防城巡檢上同移防城守備駐東興街張府

志十一月龍門協水師兵撥添東興街貼防以東興思勒漸凜與安南接壤故也周府志

欽州志

卷十 紀事

三十三

龍門孤懸海島五年建營倉貯粟萬石濟兵食上同

八年二月水東港村民褚安妻一產三男子周府志

四月移欽州州判駐東興街張府志

九年春總督策楞以欽州與安南接壤自東興街西永樂街起經羅浮河抵竹山沿河三十里令裁籐竹堵禦私徑設關柵二所以時啟閉派兵盤查以嚴中外之防周府志

十四年六月思勒那馬防城等村山水漂沒田廬撫卹有差上同

舊制州學廩生三年兩貢學使程以廩少貢速請增廩部議却之十五年改爲四年一貢張府志

欽州洋面連安南賊匪常肆劫乾隆九年至十八年未獲案十有三十八年冬龍門副將黃錫申知州粟榮訓獎勵勇健深入夷境於幫吉獲盜首孫紹敬於幫福獲曾南生涂阿喜於沙河獲蕭曜官於憲南獲孫振開鄭阿屋於黃港獲紀阿吉郭阿九誅之上同知州粟榮訓請於王光扶隆二汛中之大棗墟增設大棗汛從之張府志

沿邊蘗竹種輒枯自乾隆九年歷十二年遞年栽補民以爲累二十年冬制府奏罷之復於松栢隘羅浮崗改柵欄爲墩汛每汛設兵十五名周府志

二十年冬以欽州知州州判吏目學正訓導長墩

欽州志

卷十 紀事

三十四

沿海如昔那陳防城暨合浦縣珠場靈山縣西鄉各司巡檢欽州營遊擊守備龍門協分防東興街左營守備均爲烟瘴要缺五年俸滿正雜各員令回內地分別題咨擢用其武職遊守令在任候遷以總督楊應琚之請也上同

二十一年春撥藩庫閒款銀四千兩歸運司廉州府給商籌息貼補龍協營兵食張府志

二十二年增龍門協左營戰馬於高州鎮標及吳川雷州徐聞羅定廉州欽州諸營酌撥揀步戰兵派防東興汛上同

二十五年裁龍門協外海艍船五拖風船十二內

河快馬船七上同

二十七年州始徵斥鹵稅一十六頃九十一畝零

七釐上同

三十年改欽州遊擊爲叅將上同

三十三年裁龍門協外海趕艚船二艚船二增內

河快馬船二裁營步兵三十名守兵七十三名上同

三十六年九月欽州大水明年大饑四十二年復

大饑死者枕籍於路知州請發倉賑之上同

四十三年春海寇林代弟寇龍門千總邵廷光擊

捕之秋裁龍門協營舵工守糧一十三名是年早

大蝗復大饑上同

欽州志

卷十紀事

三十五

四十四年大有年上同

四十六年大水饑上同

四十七年裁龍門協營名糧一百八十名增實兵

九十二名裁欽州營名糧七十三名增實兵七十

一名是歲大水壞民居田產早稻失收上同

四十八年五月海賊寇龍門副將陳大勳把總朱

朝捕獲梁朝寬及其黨二十七人誅之上同

五十二年海盜劫烏雷礮臺龍門協右營都司柳

勝率兵禦之兵敗礮臺失守上同

初安南王黎維祺爲其臣阮惠所逐來告變五十

三年總督孫士毅送之歸駐安南境適龍門協把

總許昌義巡海遇風飄至其地總督畱諸軍中未幾阮逆襲我師昌義力戰死上同夏四月海賊林月盛洗振興寇欽州龍門協左營都司盧魁擊之擒其黨九人皆伏誅上同

五十五年夏海賊吳昌盛寇龍門副將林國良守備黃標擊擒之並其黨三十三人皆伏誅上同五十九年裁龍門協營戰馬四匹上同

嘉慶四年建龍門營武倉龍門舊有常平倉粟以濟兵食至是以出洋緝捕兵口糧銀四千九百九十兩有奇買民間穀別建廩儲之逐月支放於各兵月餉內按月扣抵買穀還廩循環接濟上同十一

欽州志

卷十 紀事

三十六

月洋匪葉長清林大靜謝通經赴欽州投誠安插廉陽羅定南雄等營入伍上同

五年學使萬承風以廣東州學廩皆三十名惟欽學廩九名四年一貢遂奏請撥南雄學廩四名加欽學部議不准改貢爲三年一貢上同海寇梁立潤吳海進赴欽州投誠陳信赴龍門投誠安插肇慶南雄潮陽等營入伍上同龍門把總王瑞鳳巡海遇賊死之

詔予世襲雲騎尉一次上同

七年六月欽州海溢瀕海民居多塌七月海賊劫

紅沙溝汛上同

八年七月海賊烏石二寇欽州率巨艘百餘屯石頭埠龍門營防汛外委與合浦珠場司巡檢張可昭統鄉勇於榕根港禦之賊斃於鎗者十餘人遂退上同龍門副將舒萬年巡海與金古養賊舟相遇遂舍舟登陸回龍門委左營把總招得貴統兵堵禦上同十一月

詔予陣亡官龍門千總王瑞鳳陳超倫外委吳瑞川傅君彰兵丁何鳳翔陳鳴鳳黃文元陳繼華入祀昭忠祠上同

九年夏海賊陳得有劫西峴沙知州朱依敬擒之崗匪邱辰游梁大有倡亂依敬與副將舒萬年捕

欽州志

卷十 紀事

三十七

獲俱誅之上同

十年六月海寇鄭能發圍龍門遙見龍門旂幟森立兵威烈甚懼不敢登岸時守將未陳兵仗人以爲景慧之見神也七月能發寇東興汛外委陳孔惠死之千總李明貴被執逃回如例發遣上同

十四年夏四月欽州大風拔木倒屋秋八月大雨城外水深數尺民居皆坍漂没人畜無算四望成巨浸民大饑上同刑部主事馮敏昌入祀鄉賢祠新

冬十月朔日彗見西方長數丈經月始已張府海

賊烏石二寇防城崗長禰廷卿率崗丁擊走之上同十五年春烏石二寇欽州率巨艘三百由龍門進

貓尾港至灘漕離城僅十餘里知州田文燾諭紳民協守貢生何博文鄺光美職員潘晉熏監生伍鳳儀等率鄉勇禦於那底村殺賊數十奪賊艘五龍門副將李大龍叅將劉琥廩生勞安督水師截賊歸路焚賊艘四賊始畏遁事平總督百齡獎賚有差五月賊夥陳進德率黨赴欽州投誠上同龍門外委蘇秀邦陳國寧巡海遭風淹沒

詔予世職雲騎尉襲次完時再給恩騎尉世職罔替上同

十八年撤龍門常平倉上同

二十年四月撤龍門軍工船廠歸瓊廠增龍門協

營撈船凡六上同

欽州志

卷十 紀事

三十八

道光四年冬署欽州知州程正樂增設叫仙叫懷

平寨大免那勒枯登黃竹等隘堆卡撥兵防緝上同

六年二月欽州知州徐棻增設鹿豹隘界牌屯村

嶺三處堆卡撥兵防緝上同

八年五月欽州大疫十一月大水上同知府張培春

飭合欽靈三屬團練每州縣各劃作數十團或以

數十村爲一團或以百十村爲一團使之聲響相

聞守望相助因就一團之地分行保甲法每團造

戶冊一卷以便稽查上同

九年夏早禾稔秋大有年上同

十二年秋安南人陳加海與新安人楊就富倡爲

盜據狗頭山甲洲霧水洲諸夷島輒出剽劫總督
盧坤以事聞檄廉州知府張埴春欽州知州朱椿
年陽江鎮遊擊林鳳儀龍門協都司余清並知照
安南國王協勦之輯案大雨颶風拔木民房毀壞
甚多增冬十月遊擊林鳳儀都司余清率水師擊
盜知府張埴春至龍門分遣營弁防諸要墩汛令
合浦學訓導葉軒府經歷廳侯昕等團練海濱聚
落跣緝盜之塗竄者知州朱椿年募漁戶竈戶勇
敢丁助官軍令商職宋敬利率以從札思勒州判
沈炳文會安南萬寧州土目共兵之清至白龍尾
與賊遇大破之逐北至青藍山殲斃多匪獲楊就

欽州志

卷十 紀事

三十九

富吳三狗陳勝發馮生疔瘖二十餘盜敬利舟抵
霧水破賊艘淹沒殆半殺段俚鹹諸賊陳加海取
他舟載其餘黨遁走荒山案十一月大雷十二月
祁寒樹木多枯人凍死增

十三年正月知州朱椿年令敬利復以漁竈丁從
官軍尾加海荒山舟出竹山洋未至萬寧州土目
既俘加海歸其國敬利等遂之青藍山盡收餘黨
盪其巢海盜悉平輯案